

323

Na temelju članka 48. stavak (2) Zakona o dopunskim pravima branitelja i članova njihovih obitelji - drugi prečišćeni tekst („Službene novine Tuzlanskog kantona“, broj: 10/20), Vlada Tuzlanskog kantona, na sjednici održanoj dana 16.03.2021. godine, donosi

ODLUKU**o utvrđivanju uvjeta, kriterija i postupka ostvarivanja prava na besplatan priključak na infrastrukturnu mrežu****Članak 1.
(Predmet)**

(1) Ovom odlukom utvrđuju se uvjeti, kriteriji i postupak ostvarivanja prava na besplatan priključak na infrastrukturnu mrežu, voda i električna energija, (u daljem tekstu: infrastrukturna mreža) branitelja i člana njegove obitelji sa područja Tuzlanskog kantona (u daljem tekstu: Kanton).

(2) Pravo na besplatan priključak u smislu ove odluke podrazumijeva pravo na refundaciju uplaćenih troškova priključka na infrastrukturnu mrežu.

**Članak 2.
(Financijska sredstva)**

Financijska sredstva iz ove odluke osiguravaju se u Proračunu Tuzlanskog kantona (u daljem tekstu: Proračun Kantona), na poziciji Ministarstva za boračka pitanja Tuzlanskog kantona (u daljem tekstu: Ministarstvo), sukladno Programu Vlade Tuzlanskog kantona (u daljem tekstu: Vlada Kantona) za svaku proračunsku godinu i sukladno likvidnošću Proračuna Kantona.

Članak 3.**(Osoba koja ima pravo na besplatan priključak)**

Pravo na besplatan priključak na infrastrukturnu mrežu ima osoba iz članka 1. Zakona o dopunskim pravima branitelja i članova njihovih obitelji - drugi prečišćeni tekst koja ispunjava uvjete propisane ovom odlukom, i to kako slijedi: član obitelji šehida, poginulog, umrlog i nestalog branitelja; ratni vojni invalid; dobitnik ratnog priznanja i odlikovanja; demobilizirani branitelj, kao i članovi obitelji ratnog vojnog invalida, dobitnika ratnog priznanja i odlikovanja, mirnodopskog vojnog invalida i demobiliziranog branitelja.

**Članak 4.
(Namjena sredstava)**

Osoba iz članka 3. ove odluke, pod uvjetima predviđenim ovom odlukom, ima pravo na besplatan priključak na infrastrukturnu mrežu, odnosno da stambeni objekat priključi na:

- vodovodnu i kanalizacionu mrežu i/ili
- elektrodistributivnu mrežu, i to monofazni priključak dužine kabla do 50 metara.

**Članak 5.
(Uvjeti)**

Pravo na besplatan priključak na infrastrukturnu mrežu pripada osobi iz članka 3. ove odluke (u daljem

a) ima stalno mjesto prebivališta na području Kantona,

b) stambeno pitanje rješava prvi put na području Kantona,

c) posjeduje validan dokaz, račun o uplati priključka iz članka 4. ove odluke, na infrastrukturnu mrežu i

d) posjeduje valjanu dokumentaciju propisanu ovom odlukom za učešće u ovom postupku.

**Članak 6.
(Ograničenje)**

(1) Pravo na besplatan priključak na infrastrukturnu mrežu nema korisnik prava iz članka 3. ove odluke:

a) koji je ranije ostvario pravo na pomoć u stambenom rješavanju po ranijim programima i prethodno važećim pravilnicima, uredbama i odlukama ovoga Ministarstva u bilo kom iznosu ili

b) koji je dobio donaciju od općine/grada, kantona, Federacije Bosne i Hercegovine (u daljem tekstu: F BiH) ili humanitarne organizacije u svrhu stambenog zbrinjavanja u prijeratnom ili sadašnjem mjestu prebivališta i sa istim riješio stambene potrebe ili

c) koji je izvršio uplatu priključka iz članka 4. ove odluke na infrastrukturnu mrežu prije 01.07.2019. godine.

(2) Iznimno od stavka (1) točke a) i b) ovoga članka, pravo na besplatan priključak na infrastrukturnu mrežu po ovoj odluci ima korisnik prava iz članka 3. ove odluke, kod koga je objekat devastiran, uništen ili oštećen uslijed prirodnih nepogoda, odnosno bez krivice uzrokovane ljudskim djelovanjem, a nakon ostvarivanja ranijeg prava na financijsku pomoć.

**Članak 7.
(Kriteriji)**

Red prvenstva, u okviru raspoloživih sredstava, utvrđuje se prema broju bodova koji pripada korisniku prava iz članka 3. ove odluke prema sljedećim kriterijima:

- braniteljski status,
- priznanja dobijena u Oružanim snagama Bosne i Hercegovine (u daljem tekstu: OS BiH),
- broj članova obiteljskog domaćinstva korisnika prava,
- zdravstveno stanje korisniku prava i članova njegovog obiteljskog domaćinstva i
- imovinskog stanja korisniku prava i članova njegovog obiteljskog domaćinstva.

Članak 8.**(Bodovi na temelju braniteljskog statusa)**

(1) Na temelju braniteljskog statusa, korisniku prava iz članka 3. ove odluke pripadaju bodovi, kako slijedi:

- korisniku prava u statusu člana obitelji šehida, poginulog, umrlog, nestalog branitelja..... 30 bodova,
- korisniku prava u statusu ratnog vojnog invalida.....20 bodova i
- korisniku prava u statusu demobiliziranog branitelja.....10 bodova.

(2) Korisniku prava kao članu obitelji iz stavka (1) ovog članka točke b) i c) pripada 50% bodova utvrđenih stavkom (1) ovog članka.

Član 9.**(Bodovi na temelju dobijenih priznanja u OS BiH)**

(1) Na temelju dobijenih priznanja u OS BiH korisniku prava pripadaju bodovi kako slijedi:

a) Značka „Zlatni ljiljan“, Red hrvatskog trolista, Orden slobode, Red bana Jelačića, Orden Heroja oslobođilačkog rata, Red Nikole Šubića-Zrinjskog, Orden oslobođenja, Red Kneza Domagoja sa ogrlicom, Orden „Zlatnog grba sa mačevima“, Orden „Zlatnog ljiljana sa zlatnim vijencem“, Orden „Zlatnog ljiljana sa srebrenim vijencem“, Medalja za hrabrost, Medalja pobjeda, Medalja otpora, Medalja za vojne zasluge, Policijska Medalja za hrabrost i Zlatna policijska značka - zvijezda.....10 bodova,

b) Srebrna Policijska zvijezda i Srebreni štit..... 5 bodova i

c) Red hrvatskog pletera.....2 boda.

(2) Korisniku prava kao članu obitelji dobitnika najvišeg ratnog priznanja i odlikovanja iz stavka (1) ovog članka, pripada 50% bodova utvrđenih stavkom (1) ovog članka.

Članak 10.**(Bodovi na temelju broja članova obiteljskog domaćinstva)**

(1) Za svakog člana obiteljskog domaćinstva pripadaju po 4 (slovima: četiri) boda.

(2) Dokaz da je neka osoba član obiteljskog domaćinstva, sukladno ovoj odluci, predstavlja kućna lista kao i neposredni uvid u činjenično stanje, te po potrebi provjera istog.

(3) Član uže obitelji je bračni partner, vanbračni partner, u smislu članka 3. Obiteljskog zakona Federacije Bosne i Hercegovine („Službene novine Federacije Bosne i Hercegovine“, broj: 35/05), djeca rođena u braku i van braka, usvojena djeca i pastorčad.

(4) Djetetom se smatra dijete rođeno u braku/van braka, pastorče ili usvojeno dijete, mlađe od 15 godina života kao i iza navršene 15-te godine života, ukoliko se nalazi na redovitom školovanju, a najkasnije do navršene 25-te godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15-te godine života, odnosno, 25-te godine ukoliko se nalazilo na redovitom školovanju.

Članak 11.**(Bodovi na temelju zdravstvenog stanja)**

(1) Na temelju zdravstvenog stanja korisniku prava iz članka 3. ove odluke i članovima obiteljskog domaćinstva, pripada 2 (slovima: dva) boda za svakog člana obitelji oboljelog od teške i trajne bolesti.

(2) Zdravstveno stanje se dokazuje nalazom zdravstvene ustanove koji ne može biti stariji od šest mjeseci, računajući od dana objavljivanja oglasa.

(3) Pod teškom i trajnom bolesti iz stavka (1) ovog članka podrazumijevaju se sljedeće bolesti:

a) Respiratorne bolesti:

1) bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%),

2) apsces pluća i medij astinuma,

3) piotorax,

4) respiratorni distress sindrom.

b) Bolesti koštano - mišićnog sustava i vezivnog tkiva

1) izravna infekcija zglobova kod infektivnih i parazitskih oboljenja,

2) seropozitivni reumatoidni artritis kada je bolesnik nesposoban za bilo kakve aktivnosti ili vezan za postelju i invalidska kolica,

3) ankilozirajući spondilitis,

4) protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtijevaju intenzivan i dugotrajan tretman,

5) kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima.

c) Neuromišićne bolesti

1) progresivna neuromišićna oboljenja,

2) multipla skleroza,

3) mijastenija gravis,

4) epilepsija nekontrolirana ili rezistentna na terapiju,

5) nezarazni encefalitis i encefalomijalitis.

d) Specifična stanja koja zahtijevaju skupi i doživotni tretman

1) transplantacije organa,

2) transplantacija koštane srži,

3) stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman.

e) Ostala oboljenja

1) infarkt (srčani ili moždani) i

2) maligni tumori i

3) mentalna retardacija i cerebralna paraliza.

4) Pod teškom i trajnom bolesti iz stavka (1) ovog članka podrazumijevaju se i stanja poslije drugih operativnih zahvata, a koja zahtijevaju duže bolničko liječenje, rehabilitaciju i intenzivni medikamentozni tretman, najkasnije u roku od tri godine nakon operativnog zahvata.

Članak 12.**(Imovinsko stanje)**

(1) Imovinsko stanje korisnika prava i članova njegovog obiteljskog domaćinstva obuhvata sva primanja, na temelju: plaće i drugih primanja iz radnog odnosa, starosne, invalidske i obiteljske mirovine, primanja po propisima iz braniteljsko-invalidske zaštite, primanja na temelju poljoprivredne djelatnosti, dopunskog rada i imovinskih prava i novčana primanja na temelju neuposlenosti ostvarena od JU Službe za upošljavanje, obiteljske invalidnine, osobne invalidnine i socijalne zaštite.

(2) Imovinsko stanje se dokazuje odgovarajućim dokumentima nadležnih organa.

(3) Kriterij za utvrđivanje bodova na temelju imovinskog stanja određuju se na temelju prosječne neto plaće ostvarene u prethodnoj godini u F BiH, prema zvanično objavljenom podatku Zavoda za statistiku Federacije Bosne i Hercegovine (u daljem tekstu: Zavod).

(4) Prilikom utvrđivanja bodova na temelju imovinskog stanja korisniku prava pripadaju bodovi, kako slijedi:

- a) korisnik prava i članovi obiteljskog domaćinstva bez prihoda.....50 bodova,
- b) korisnik prava i članovi obiteljskog domaćinstva čiji su prihodi po članu užeg obiteljskog domaćinstva do 5% prosječne plaće u FBiH.....40 bodova,
- c) korisnik prava i članovi obiteljskog domaćinstva čiji su prihodi po članu užeg obiteljskog domaćinstva od 5,01% do 10% prosječne plaće u FBiH30 bodova,
- d) korisnik prava i članovi obiteljskog domaćinstva čiji su prihodi po članu užeg obiteljskog domaćinstva od 10,01% do 15% prosječne plaće u FBiH.....20 bodova,
- e) korisnik prava i članovi obiteljskog domaćinstva čiji su prihodi po članu užeg obiteljskog domaćinstva od 15,01% do 20% prosječne plaće u FBiH10 bodova,
- f) korisnik prava u statusu samca sa primanjem PIO mirovine u minimalnom iznosu.....7 bodova,
- g) korisnik prava i članovi obiteljskog domaćinstva čiji su prihodi po članu užeg obiteljskog domaćinstva od 20,01% do 25% prosječne plaće u FBiH.....5 bodova,
- h) korisnik prava i članovi obiteljskog domaćinstva čiji su prihodi po članu užeg obiteljskog domaćinstva od 25,01% do 50% prosječne plaće u FBiH.....3 boda i
- i) korisnik prava i članovi obiteljskog domaćinstva čiji su prihodi po članu užeg obiteljskog domaćinstva preko 50,01% prosječne plaće u FBiH.....1 bod.

Članak 13.

(Donošenje odluke i raspisivanje oglasa)

(1) Odluku o točnom terminu raspisivanja oglasa za besplatan priključak na infrastrukturnu mrežu donosi Ministarstvo.

(2) Tekst oglasa iz stavka (1) ovog članka utvrđuje Ministarstvo.

(3) Gradska/općinska služba nadležna za braniteljsko-invalidsku zaštitu (u daljem tekstu: Služba), sukladno odluci iz stavka (1) ovog članka, javno oglašavanje vrši na svojim oglasnim pločama i na drugi način sukladno svojim mogućnostima i potrebama.

(4) Javno oglašavanje, sukladno odluci iz stavka (1) ovog članka, vrši Ministarstvo objavljivanjem oglasa na web stranici Vlade Kantona od kada i počinje rok za predaju dokumentacije.

(5) Pored oglašavanja iz stavaka (3) i (4) ovoga članka, savezi/udruge branitelja i članova njihovih obitelji na kantonalnom i gradskoj/općinskoj razini mogu oglašavanje vršiti na svojim oglasnim pločama i na drugi način sukladno svojim mogućnostima i potrebama.

(6) Oglas treba obvezno da sadrži sljedeće:

- a) naziv organa koji objavljuje konkurs,
- b) adresu organa kojem se zahtjevi podnose,
- c) korisnike prava koji mogu podnijeti zahtjev,
- d) uvjete za ostvarivanje prava,
- e) ograničenje prava na dodjelu sredstava,
- f) dokumentaciju neophodnu za odlučivanje taksativno utvrđenu u Prilogu, koji je sastavni dio ove odluke i
- g) rok za podnošenje zahtjeva i organ kojem se isti podnosi, uz krajnji rok do kada se zahtjevi mogu podnositi.

Članak 14.

(Postupak za ostvarivanje prava)

(1) Zahtjev za besplatan priključak na infrastrukturnu mrežu (u daljem tekstu: zahtjev) se podnosi na Obrazcu 1. koji je sastavni dio ove odluke.

(2) Podnosilac zahtjeva je uz zahtjev, obavezan priložiti svu dokumentaciju koja je propisana u Prilogu ove odluke i koja čini njegov sastavni dio.

(3) Zahtjev se predaje u Službu, najkasnije u roku od 15 dana od dana oglašavanja i objavljivanja oglasa na web-stranici Vlade Kantona.

(4) Služba je obavezna prilikom dostavljanja zahtjeva, sa potrebnom dokumentacijom sačiniti i dostaviti socijalnu anamnezu na Obrazcu 2. koji je sastavni dio ove odluke.

(5) Zaprimitljene zahtjeve, iz stavka (1) ovog članka, Službe dostavljaju Ministarstvu najkasnije u roku 30 dana od dana zatvaranja oglasa.

Članak 15.

(Imenovanje Komisije)

(1) Postupak razmatranja zahtjeva za besplatan priključak na infrastrukturnu mrežu provodi Komisija koju imenuje ministar za boračka pitanja Tuzlanskog kantona (u daljem tekstu: ministar).

(2) Komisiju čine tri predstavnika Ministarstva.

(3) Članovi Komisije na svojoj prvoj konstitutivnoj sjednici, iz reda svojih članova, biraju predsjednika komisije.

(4) Komisija iz stavka (1) ovoga članka imenuju se u roku od 8 dana od dana raspisivanja javnog oglasa, za svaku proračunsku godinu.

(5) Članovi komisije iz stavka (1) ovoga članka ne mogu biti osobe koje učestvuju u proceduri za dodjelu sredstava po ovoj odluci.

Članak 16.

(Način rada Komisije i obavljanje stručnih i operativnih poslova)

(1) Komisija radi i odlučuje na sjednicama u punom sastavu, uz vođenje zapisnika koga potpisuju svi članovi Komisije.

(2) Komisija činjenice navedene u zahtjevu kao i dokumentaciju priloženu uz zahtjev, u svim slučajevima, može provjeravati u službenim evidencijama koje se vode pri nadležnim organima, kao i neposrednim uvidom na licu mjesta, što konstatuje zapisnikom koji potpisuju prisutni članovi Komisije i korisnik prava, odnosno punoljetni član obiteljskog domaćinstva.

(3) Komisija ima pravo, Službi koja nije dostavila zahtjeve, na način propisan člankom 14. stavak (4) ove odluke, vratiti iste na dopunu, uz utvrđivanje dodatnog roka za dostavu naknadno dokompletiranih zahtjeva.

(4) Predsjednik komisije može, po potrebi, na sjednice pozivati pojedine stručne osobe radi konsultacija i/ili davanja objašnjenja po pojedinim pitanjima koja su predmet rada Komisije na tim sjednicama.

Članak 17.

(Rad Komisije i utvrđivanje rang liste)

(1) Komisija razmatra prispjele zahtjeve i na temelju priložene dokumentacije i eventualno izvršenih provjera,

utvrđuje broj bodova po svim osnovima i ukupan broj bodova te sačinjava rang listu kojom se utvrđuje redoslijed prvenstva.

(2) Rang lista obvezno sadrži:

- a) prezime, očevo ime i ime korisnika prava,
- b) broj bodova po svakom od osnova iz ove odluke,
- c) ukupan broj bodova,
- d) datum kada je rang lista ovjerena potpisima članova Komisije, istaknuta na oglasnoj ploči od kada se računa rok za isticanje prigovora i
- e) pouku o pravnom lijeku

(3) Rang lista se objavljuje na web-stranici Vlade Kantona, od kada i počinje rok za podnošenje prigovora i na oglasnim pločama Ministarstva i Službi.

(4) Neblagovremene i nepotpune zahtjeve Komisija ne uzima u razmatranje, a prijavljeni korisnici prava se o istom obavještavaju isticanjem zasebne liste na oglasnoj ploči Ministarstva i Službi, u kojoj se navode razlozi nerazmatranja zahtjeva.

Članak 18.

(Prednost pri jednakom broju bodova)

Ukoliko na rang listi dva ili više korisniku prava imaju isti ukupan broj bodova, prednost po navedenom redoslijedu imaju:

- a) korisnik prava u statusu djeteta šehida, poginulih, umrlih i nestalih branitelja bez oba roditelja,
- b) korisnik prava u statusu člana PŠ-PB sa lošijom stambenom situacijom, odnosno lošijim imovinskim cenzusom odnosno većim brojem članova domaćinstva,
- c) korisnik prava u statusu RVI sa većim stupnjem oštećenja organizma,
- d) osobe u statusu dobitnik ratnog priznanja i odlikovanja i
- e) korisnik prava u statusu DB sa dužim učešćem u OS BIH, odnosno bez redovitih mjesečnih primanja, odnosno sa lošijom stambenom situacijom, odnosno lošijim imovinskim cenzusom, odnosno većim brojem članova domaćinstva.

Članak 19.

(Pravo na podnošenje prigovora)

(1) Na liste iz članka 17. stavci (2) i (4) ove odluke, može se uložiti prigovor ministru.

(2) Prigovor se podnosi u roku od osam dana od dana navedenog u objavljenim listama, u pismenoj formi, sa točnim navođenjem na koje činjenice se prigovara.

(3) O izjavljenim prigovorima iz stavka (1) ovog članka, odlučuje ministar, u roku od 30 dana od dana isteka roka za prigovore.

(4) Rješenje ministra po prigovoru je konačno.

(5) Postupak po prigovoru provodi se sukladno odredbama Zakona o upravnom postupku („Službene novine Federacije Bosne i Hercegovine“, br. 2/98 i 48/99).

Članak 20.

(Donošenje konačne liste)

Nakon okončanog postupaka po prigovorima, ministar utvrđuje konačnu rang listu, koja obvezno sadrži:

- a) prezime, očevo ime i ime korisnik prava,
- b) broj bodova po svakom od osnova iz ove odluke,

- c) ukupan broj bodova,
- d) iznos odobrenih sredstava.

Članak 21.

(Rješenje o odobravanju sredstava)

(1) Na temelju konačne rang liste iz članka 21. ove odluke, ministar donosi rješenje o prenosu sredstava na račune grada/općina.

(2) Na temelju rješenja iz stavka (1) ovoga članka, Služba putem poslovnih banaka vrši prenos sredstva na račune korisnika prava.

(3) U slučaju smrti korisnika prava nakon zatvaranja oglasa, odobrena sredstva se mogu isplatiti članovima obiteljskog domaćinstva iz članka 10. stavak (3) ove odluke, nakon provedenog ostavinskog postupka.

Članak 22.

(Stupanje na snagu i objavljivanje odluke)

(1) Ovom odlukom stavlja se van snage Odluka o utvrđivanju uvjeta, kriterija i postupka ostvarivanja prava na besplatan priključak na infrastrukturnu mrežu („Službene novine Tuzlanskog kantona“, broj: 13/20).

(2) Postupci započeti po odredbama Odluke o utvrđivanju uvjeta, kriterija i postupka ostvarivanja prava na besplatan priključak na infrastrukturnu mrežu („Službene novine Tuzlanskog kantona“, broj: 13/20), okončat će se po istoj.

(3) Ova odluka stupa na snagu narednog dana nakon objavljivanja u „Službenim novinama Tuzlanskog kantona“.

BOSNA I HERCEGOVINA PREMIJER KANTONA
Federacija Bosne i Hercegovine
TUZLANSKI KANTON Kadrija Hodžić, v.r.
V L A D A

Broj: 02/1- 04-5590/21
Tuzla, 16.03.2021. godine

Obrazac 1.

(prezime, ime oca, ime)

(adresa stanovanja: ulica, broj, poštanski broj i mjesto)

(broj kontakt telefona)

MINISTARSTVO ZA BORAČKA PITANJA TUZLANSKOG KANTONA**Ulica Rudarska broj: 57., 75 000 Tuzla****putem****Službe za boračko – invalidsku zaštitu grada /općine _____**

Predmet: Zahtjev za refundaciju finansijskih sredstava u svrhu priključka na infrastrukturnu mrežu

Molim Naslov da mi izvrši refundaciju sredstava učinjenih u svrhu priključka na

a) vodovodnu i kanalizacionu mrežu i

b) elektrodistributivnu mrežu, i to monofazni priključak dužine kabla do 50

metara na

(Podnosilac zahtjeva zaokružuje jednu od ponuđenih opcija ili obje)

Zahtjev za refundaciju finansijskih sredstava u svrhu priključka na infrastrukturnu mrežu podnosim obzirom da ispunjavam pravo na dodjelu istih.

Kao dokaz svojih tvrdnji navodim sljedeće činjenice:

- broj članova porodičnog domaćinstva čine:

- radno pravni status članova porodičnog domaćinstva

- ukupna primanja-prihod podnosioca zahtjeva i članova obiteljskog po temelju radnog odnosa, penzije, prava po osnovu branilačko-invalidske zaštite su _____ KM;

Imam status branioca po odredbama člana 1. Zakona o dopunskim pravima branioca i članova njihovih porodica, kao:

____ (navesti status: član porodice šehida-poginuloga branioca, ratni vojni invalid, nosilac najvišeg ratnog priznanja i odlikovanja, demobilisani branilac i dr.),

svojeručni potpis podnosioca zahtjeva

Obrazac 2.

BOSNA I HERCEGOVINA
Federacija Bosne i Hercegovine
TUZLANSKI KANTON
Služba za boračko invalidsku zaštitu
grada/općine _____/20
Broj: _____/20
Datum: _____ godine

**MINISTARSTVO ZA BORAČKA PITANJA
TUZLANSKOG KANTONA**

PREDMET: Socijalni karton podnosioca zahtjeva
dostavlja se,

(ime i prezime podnosioca zahtjeva)

Braniteljski status podnosioca zahtjeva:

- Član porodice šehida-poginulog, umrlog i nestalog branioca,
- Ratni vojni invalid,
- Dobitnik najvećeg ratnog priznanja i odlikovanja i
- Demobilisani branilac, pripadnik OS BiH u periodu od _____ do _____
- Član porodice (supruga / djete) RVI/DNRP/DB
(zaokružiti status podnosioca zahtjeva)

Da li je do sada podnosilac zahtjeva dobijao bespovratna sredstva putem Ministarstva?

DA – NE

Ukoliko

jeste, u kojem iznosu:

_____ KM, Da li je do sada podnosilac zahtjeva bio korisnik nepovratnih sredstava federalnog, kantonalnog ili općinskog budžeta ?

DA – NE

U koliko jeste, u kojem

iznosu:

_____ KM,

Materijalno stanje podnosioca zahtjeva i članova porodičnog domaćinstva:

- visina boračkih prinadležnosti: _____ KM
(lična ili porodična invalidnina, egzistencijalna naknada)
- ostala primanja: _____ KM

ukupna visina primanja podnosioca zahtjeva i članova prodičnog domaćinstva:

_____ KM

Radno-pravni status članova porodičnog domaćinstva:

Socijalnu anamnezu sačinio-la:

Potpis ovlaštene osobe i pečat službe

PRILOG

**Popis potrebne dokumentacije
uz zahtjev za refundaciju finansijskih sredstva za besplatan priključak na
infrastrukturnu mrežu branilaca i članova njihove porodice**

I OPŠTA DOKUMENTACIJA

Redni broj:	Naziv dokumenta	Organ koji izdaje dokument	Ko pribavlja dokumentaciju
1.	Zahtjev za refundaciju finansijskih sredstava u svrhu priključka na infrastrukturnu mrežu	Ministarstvo za boračka pitanja TK	Podnosilac zahtjeva
2.	kućna lista podnosioca zahtjeva u kojoj su navedeni članovi uže porodice (<i>član uže porodice je: bračni partner, vanbračni partner, djeca rođena u braku i van braka, usvojena djeca i pastorčad na redovnom školovanju, a najkasnije do navršene 25-te godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15-te godine života, odnosno, 25-te godine ukoliko se nalazilo na redovnom školovanju</i>), (<i>original ili ovjerena fotokopija</i>),	Gradska/Općinska služba za opću upravu i društvene djelatnosti	Podnosilac zahtjeva
3.	a) za članove PŠ-PB kopija prvostepenog ili revizionog rješenja (poslednje rješenje na snazi), b) za RVI kopija prvostepenog ili revizionog rješenja (poslednje rješenje na snazi), c) za dobitnika ratnog priznanja i odlikovanja ukoliko nema status člana porodice šehida, poginulog, umrlog i nestalog branitelja ili RVI ovjerena fotokopija rješenja o ostvarivanju prava na mjesečni novčani dodatak, d) za DB dokaz o pripadnosti branilačkoj populaciji - uvjerenje koje izdaje nadležni organ odbrane, (<i>dokumenti pod a), b) ili c) moraju biti dostavljeni kao original ili ovjerena fotokopija</i>),	Gradska/Općinska služba za boračko invalidsku zaštitu (tačke a), b) i c) Grupa za vojna pitanja za tačku d)	Gradska/Općinska služba nadležna za boračko invalidsku zaštitu Podnosilac zahtjeva
4.	dokaz o zaposlenju svih članova uže porodice i visini stalnih izvora prihoda, a isto podrazumjeva:		

	<p>a) posljednja platna lista ovjerene potpisom i pečatom poslodavca ili uvjerenje poslodavca o visini posljednje plate (<i>original ili ovjerena fotokopija</i>), ili</p> <p>b) uvjerenje nadležne gradske /općinske službe o visini lične ili porodične invalidnine ili egzistencijane novčane naknade korisnika prava ili</p> <p>c) za korisnik prava koja imaju registrovanu samostalnu djelatnost: - obrazac 2002 o plaćenim doprinosima, za poslednja tri mjeseca i - GPD i SPR obrasci godišnje prijave. (<i>original ili ovjerena fotokopija</i>), ili</p> <p>d) ček od PIO penzije</p>	<p>Organ /ustanova/preduzeće gdje je korisnik prava zaposlen ili Poslovnica PIO /MIO</p>	<p>Podnosilac zahtjeva</p>
5.	<p>uvjerenje službe za zapošljavanje za sve nezaposlene članove uže porodice, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove uže porodice kao dokaz o statusu nezaposlenosti, (<i>original ili ovjerena fotokopija</i>),</p>	<p>Služba za zapošljavanje ili Porezna uprava FBiH Ispostave porezne uprave</p>	<p>Podnosilac zahtjeva</p>
6.	<p>uvjerenje o redovnom školovanju djece u srednjeobrazovnim i visokoobrazovnim ustanovama (<i>original ili ovjerena fotokopija</i>),</p>	<p>Javne srednjeobrazovne i visokoobrazovne ustanove</p>	<p>Podnosilac zahtjeva</p>
7.	<p>izjava ovjerena u nadležnoj općinskoj službi ili kod notara da podnosilac zahtjeva i svi članovi uže porodice: a) nisu vlasnici niti suvlasnici drugih nekretnina (kuća/stan) na području BiH, izuzev one za koju je podnjet zahtjev za dodjelu jednokratne pomoći i b) da stambeno pitanje rješava prvi put na području Kantona,</p>	<p>Gradska/Općinska služba za opću upravu i društvene djelatnosti</p>	<p>Podnosilac zahtjeva</p>
8.	<p>Za samce: Izvod iz matične knjige rođenih i Izjava o postojanju / nepostojanju vanbračne zajednice (<i>original ili ovjerena fotokopija</i>),</p>	<p>Gradska /Općinska služba za opću upravu i društvene djelatnosti</p>	<p>Podnosilac zahtjeva</p>
9.	<p>uvjerenja o posjedovanju/neposjedovanju kuće za punoljetne članove uže porodice (<i>original ili ovjerena fotokopija</i>),</p>	<p>Gradska/Općinska Služba za geodetske i imovinsko pravne</p>	<p>Gradska/Općinska služba nadležna za boračko</p>

		poslove	invalidsku zaštitu
10.	račun za priključenje na monofazni priključak dužine kabla do 50 metara na elektrodistributivnu mrežu	JP koje vrši priključak	Podnosilac zahtjeva
11.	račun za priključenje na vodovodnu i kanalizacionu mrežu	JP koje vrši priključak	Podnosilac zahtjeva
12.	<p>dokaz o zdravstvenom stanju podnosioca zahtjeva ili člana uže porodice izdat od strane ovlaštene zdravstvene ustanove, ne stariji od šest mjeseci (<i>original ili ovjerena fotokopija</i>), samo za sledeća oboljenja:</p> <p>a) <i>respiratorne bolesti</i>: bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%); apsces pluća i medij astinuma, piotorax i respiratorni distress sindrom;</p> <p>b) <i>bolesti koštano - mišićnog sistema i vezivnog tkiva</i>: direktna infekcija zglobova kod infektivnih i parazitnih oboljenja, seropozitivni reumativni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima);</p> <p>c) <i>neuromišićne bolesti</i>: progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis;</p> <p>d) <i>specifična stanja koja zahtijevaju skupi i doživotni tretman</i>: transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman,</p> <p>e) <i>ostala oboljenja</i>: infarkt (srčani ili moždani) i maligni tumori)</p>	<p>JZU UKC ili druge zdravstvene ustanove</p>	Podnosilac zahtjeva

	<i>f) kao i stanja poslije drugih operativnih zahvata, a koja zahtijevaju duže bolničko liječenje, rehabilitaciju i intenzivni medikamentozni tretman, najkasnije u roku od tri godine nakon operativnog zahvata.</i>		
--	---	--	--

**Ministarstvo za boračka pitanja
Tuzlanskog kantona**